

吹

景

集

吹景集卷十一

烏程

董斯張遐周著

韓昌箕仲弓訂

荀子中字義畧記

荀卿子閑肆蜿蜒極文章之變王霸正名諸篇真千古奇作其敗處獨性惡一論如唾在喉間喀喀不能出亦遁辭知其所窮也然何可以一瑕掩群玉哉歐公得其一體遂名大家今人多高閣置之其篇中字義亦多不解者予故筆之如左

參省

卽三省勸學篇

螾之爲矧跪之爲足

螾無爪牙之利螾六跪而二螯

之爲鼯

梧鼠五枝而窮

端之爲喘

端而言蠕而動注端讀爲喘

則之爲財

耳注則當爲財

贊之爲讚

問一而告二謂之贊卽讚字

楛之爲

沽

問楛者勿告也注楛讀爲沽儀禮有沽功鄭玄曰麗也

扁之爲辨

扁善之度注讀爲辨

提優之爲媿慢

勃亂提優注爾雅媿媿安也提慢舒緩也

倮之爲提

難進曰倮

偷之爲輸

偷懦轉脫注偷當爲輸方言云輸愚

供冀之爲供翼

而行

供冀注冀當爲翼

惕之爲蕩

惕悍而不順注惕與蕩同字作心邊易

東之爲簡

血氣不嗜東理也注與簡同並上

縛紕之爲搏黜

不苟篇恭敬縛紕注搏同紕黜同

優之爲慢

寬而不優注慢同

撼之爲惑

受人之撼注常爲惑並上

鮓之

爲飯

儵鮓注當作

𦵏之爲祛

𦵏於沙注與祛同

錯之爲措

錯人

注錯之過也

鈞之爲沿

鈞之重之注鈞當爲沿循也

陶之爲逃

陶誣

注與措同

幾之爲豈

幾不甚善矣哉注幾讀爲豈

姚之爲遙

功盛姚遠注讀

爲軻之爲拘

軻錄疾力注拘同

御之爲迓

監門御旅注御讀爲迓旅逆旅也

麋之爲眉

面無須麋古眉字非相篇

牟之爲眸

堯舜參牟子

姚之爲妖

美麗

府之爲俯

府然若渠壘注俯同

溝之爲拘

溝猶督儒溝讀爲拘拘恩也猶

猶豫也漢書作區

𦵏之爲妖

𦵏推狡猾

離蹤之爲離

離蹤

而跋訾注蹤當爲纚離纚謂離于俗而步去也

肆之爲肆

肆然肆然注當爲肆寬舒之貌紫

之爲孳

孳同柔弱之貌端然紫然或曰與

神禪之爲神禪

神禪其詞注冲澹同

恬之爲砥

伏而恬天注砥同並上

擅之爲禪

儒效篇鄉有天下今無天下非擅也

注禪同又

謫之爲商

謫德而定次注商同

施之爲移

充虛之相施易也注

見正論篇

粹之爲碎

舍粹折無適也注粹讀爲碎

伸之爲身

偃伸而好升高也注

仲讀

挾洽之爲浹洽

盡善挾洽之謂神挾讀曰浹

閑之爲閑

外而不

閑今黃庭

擬恁之爲疑忤

無所擬恁注疑同恁忤同

掩之爲暗

閑字作閑

反之爲販

反貨而爲商賈注反讀曰販

澹之爲贍

王制

掩然若合符

干之爲矸

曾青丹干紫結魚鹽注干當爲

必爭注贍同

詩商之爲誅賞

修憲命審詩商注詩商當爲誅賞

擊之爲硯

爲勔

之爲專

名聲刺天下之美矣並上

袿之爲朱袿

袿

注讀爲硯

衣冕注秩古朱字敖之為熬天下敖然噴之為噉噉

飲水注汴之為滂汴汴如河海萃之為頓勞苦頓萃

宛之為輿夏不宛潢之為混潢然兼覆午之為迂

午其軍取其將注讀為迂旗之為箕壽于旗翼注旗盧之為廬廬

妾注讀部之為剖王霸篇名聲部部之為鎬武王以

同憚之為坦憚憚非變厭之為壓厭焉有千歲之抗

之為玩游玩之修佻之為佻佻其期注關內之為開

納關內之注當為開路亶之為露袒議兵篇路亶者

亶當為袒新叩之為仰上不足叩軸之為胄冠勒帶

序作落卑大書集 卷十一 三

同 忸之為狂 忸之以慶 招近之為招延 招近幕選注

契之為挈司之為伺 契讀為挈司讀為伺 拊之為拊

曠 敬謀無曠 蘇之為倭 蘇月注 拊之為掘 溝池不拊

薄之為毫滴之為鎬 湯以薄武 刑之為形 范正注刑

同 賁之為憤 賁讀以離上 養之為瘡 疾養緩急 匡之

為尫 正論篇偃巫歧 玄之為眩 玄注讀曰眩 怪嬰

之為澡纓艾畢之為艾鞞對屨之為絀屨 古有象形

共艾畢非對屨注搔嬰當為澡纓言澡濯其布為纓

凶冠之餘也畢與鞞同艾蒼白色也對當為絀泉也

方孔反或作刺 有之為又 夫有誥與讓 曼之為萬畢

窳蒯之菲也

之爲澤

曼而饋代畢而食注曼當作萬畢當作澤

鉅之爲遽

是豈鉅知見侮之爲不厚

黃注年

枯之爲辜

枯磔注當作辜

嚴之爲儼

儼然而不可說

椹

與辟

禮論篇疏房椹貌注

末之爲辟

未注末

同

膈之爲擊

尚拊之膈注拊樂器名膈古文擊字

穀之爲穀

減穀注穀讀爲

聞穀於菟之穀從去聲不從入聲

裏之爲理

解蔽篇而宇宙裏矣注裏當爲理

俞之

爲愈

俞疾之福注俞當爲愈

廣之爲曠

廣焉能棄之矣注廣當爲曠

邑之爲

邑

無邑憐之心注邑當爲邑

錄之爲錄

性惡篇文王之錄注當爲錄

驢之爲驢

驢驢之驢讀爲驢驢謂青驢文如博恭八駿之一也

獨鹿之爲屬鏤銀之爲屬

見成相篇

虎之爲居

見大畧篇

鎗鎗之爲踰踰疇萊之爲疇

萊讀爲菑謂輟輿輻也言矯揉直木爲牙至于輟輟
皆敝而規曲不反其初所謂三材不失職也
之革甌史之爲汙邪詰之爲洒並宥之爲右宥坐堦

下裾拘之爲卑下倨句主量之爲注量淖約之爲綽

約九蓋之爲北盍

九蓋皆繼注九當爲北蓋音盍扇戶也皆繼謂其材木斷絕相接繼

也並

放舟之爲方舟

子道篇

怨財之爲蘊財

哀公篇

紀事語不同

列子與張華博物志並紀趙襄子狩中山事而文微

不同列子云趙襄子率徒十萬狩於中山藉枋

博物作枋

燔林扇赫百里有一人從石壁中出隨煙燼上下衆

謂鬼物火過徐行而出若無所經涉者襄子怪而留
之徐而察之形色七竅人也氣息音聲人也問奚而
處石奚道而入火其人曰奚物而謂石奚物而謂火
博物云有人從石壁中出隨煙上下若無所經涉者
襄子以爲物徐察之乃人也問其奚道而處石奚道
而入火其人曰奚物爲火二書均紀一事也而命辭
簡遠故當茂先著勝地冰寒於水詎虛語哉又越絕
中紀李園事與國策史記微別賈誼新書引吳越事
亦小異左國諸書其詞之瓌瑋奇怪真可益後人膽

智并錄之越絕云昔者楚考烈王相春申君吏李園
園女弟女環謂園曰我聞王老無嗣可見我於春申
君我欲假於春申君我得見於春申君徑得見於王
矣園曰春申君貴人也千里之佐吾何託敢言女環
曰卽不見我汝求謁於春申君才人告遠道客請歸
待之彼必問汝汝家何等遠道客者因對曰園有女
弟魯相聞之使使者來求之園才人使告園者彼必
有問汝女弟何能對曰能鼓音讀書通一經故彼必
見我園曰諾明日辭春申君才人有遠道客請歸待

之春申君果問汝家何等遠道客對曰園有女弟魯
相聞之使使求之春申君曰何能對曰能鼓音讀書
通一經春申君曰可得見乎明日使待於離亭園曰
諾旣歸告女環曰吾辭於春申君許我明日夕待於
離亭女環曰園宜先供待之春申君到園馳人呼女
環到黃昏女環至大縱酒女環鼓琴曲未終春申君
大悅畱宿明日女環謂春申君曰妾聞王老無嗣屬
邦君君外淫不顧政事使王聞之君上負於王使妾
兄下負於夫人爲之奈何無泄此口君召而戒之春

申君以告官屬莫有聞淫女也皆曰諾與女環通未
終月女環謂春申君曰妾聞王老無嗣今懷君子一
月矣可見妾於王幸產子男君卽王公也而何爲佐
乎君戒念之五日而道之邦中有好女中相可屬嗣
者烈王曰諾卽召之烈王悅取之十月產子男十年
烈王死幽王嗣立女環使園相春申君相之三年然
後告園以吳封春申君使備東邊園曰諾卽封春申
君於吳新書云閩閩沒而夫差卽位乃與越人戰江
上棲之會稽越王之窮至乎喫山艸飲膽水易子而

食於是履蹯戴璧號咷告母罪呼皇天使大夫種行
成於吳王吳王將許子胥曰不可吳王不忍縮師與
成還而謀伐齊子胥進爭不聽忠言不用越得成稱
善累德以求民心於是上帝降禍絕吳命乎直江君
臣乖而不調置社稷而分裂高臺榭而掩敗則犬羣
噪而入淵彘衡菹而適與燕雀剖而蛇虺生食蘊菹
而蛭日浴清水而遇蠆伍子胥見事之不可爲也何
籠而自投水自抉而望東門身賜夷而浮江懷賊行
虐深報而殃不辜禍至乎身矣越於是果逆謀負約

襲剗夫差兼吳而拊闔閭事濟功成范蠡負室而逃
五湖大夫種車裂回泉詒云文士出奇無窮信哉一

補馮北海詩紀古語古諺

凡詩所已
載者不入

法苑珠林載求離牢獄經云阿育王告諸大臣吾昔
曾聞古昔諸賢有此諺言夫人有福四海歸伏盡其
德薄肘腋叛離韓子引諺曰爲政猶沐也雖有棄髮
之費而有長髮之利也吳越春秋范蠡引古人曰居
不幽志不廣形不愁思不遠計倪引傳曰失士者亡
得士者昌越絕書石買曰街女不貞街士不信又子

貢引傳曰寧失千金毋失一人之心計倪引傳曰直能三公外傳記引人之將死惡聞酒肉之味邦之將亡惡聞忠臣之氣又引傳曰知始無終厥道必窮龍魚河圖斷鼠祝云付勅屋吏制斷鼠蟲三時言功鼠不敢行劉向新序引語曰桓公任其賊文公用其盜又曰明主任計不任怒闇主任怒不任計計勝怒者強怒勝計者亡說苑引語曰有昭辟雍有賢泮宮田里周行濟濟鏘鏘又語曰知命者不惑又孔子曰吾聞好諫者思其君食美者念其親又引語曰中不正

外淫作鹽鐵論引語曰未見君子不知僞臣又語曰
貨賂下流猶水之流下不竭不止又語曰見機不遂
者隕功華陽國志云蜀有昇仙橋送客觀司馬相如
初入長安題其門曰不乘赤車駟馬不過汝下漢官
儀引里諺云仕宦不止車生耳桓譚新論引語言三
歲學不如三歲擇師搜神記引古語曰赤厄三七陳
武傳引里語云都亭鼠數聞長者傳子引諺曰已是
而彼非不當與非爭已非而彼是不當與非平長沙
耆舊傳云虞授字承卿說易不殆諺曰不讀經視虞

生華陽國志云趙孟字長舒補尚書都令史善清談
有國士風面有疵點曹事不決孟一言乃定時人語
曰事有變問疵面法苑珠林載竺道生與叡公同學
齊名時人評曰生叡發天真嚴觀窪流得慧義彭亨
進寇淵千默塞抱朴子引諺曰苦如薏又諺曰子不
夜行則安知道上有夜行人集仙錄王妙想傳引古
語曰脩道如初得道有餘佛圖澄傳引古語不曰敬
乎幽而不改不曰慎乎獨而不怠陸璣詩疏引俗語
曰澁如杜顏氏家訓引梁世諺曰下車不落則著作

體中何如則秘書齊民要術引諺曰溼耕澤鋤不如

歸去又曰頃不比畝善

謂多惡不如少善也

又曰堪厘厘種黍

時又曰欲得穀馬耳鋤

初角切言萌生也馬耳則鋤鋤也

又曰迴車

倒馬擲衣不下又曰以時及澤爲上策又曰家貧無

所有收牆三四堵

蓋言秋牆堅實土功之勞一時求逸亦貧家之寶也

又曰立

秋葉如荷錢猶得豆又曰與他作豆田

斯言良美可惜也

又

曰魯乘百豐錦帛

言其乘好功省用力

又曰湖豬肉鄭稀熟又

曰種瓜黃臺頭又論耕蒜曰左右過鋤一萬餘株又曰

蔥三齏四又曰韭者懶人菜又曰正月可栽樹又論

種榆曰不剝沐十年成穀又曰富何卒耕水窟貧何

卒亦耕水窟

言下田能貧能富也

又曰姜蕤葵日乾醬

言其美

又

曰東家種竹西家治地

為滋蔓而來生也

又論養馬曰旦起

騎穀日中騎水

斯言且飲須節水也

又曰金齏玉鱠水經注云

羅縣西至江津其中有九十九洲楚諺曰洲不百故

不出王者又云洛水東逕安漢縣謂之縣水自上諸

縣咸以灌溉故語曰綿洛為汶沃荆楚歲時記云正

月十五日作粥禱之加以肉覆其上登屋食之呪曰

登高廩挾鼠腦欲來不來待我三蠶老異物志云古

賣灰

即牡蠣灰也

與扶留檳榔三物合食乃善也俗曰檳

榔扶留可以忘憂海異志引諺曰楊桃無蹙一歲三

熟宋明帝自敘引河洛識曰霸曜豫見東南隅劉敬

叔異苑引諺曰揚州青是鬼營

青清溪也

宋書庾炳之傳

引語曰不癡不聾不成始公隋圖經集記義州蓋春

秋時白翟也其俗語云丹州白室

即白翟語譌耳

晉釋道安

二教論引諺曰紫實昧朱狂斯濫哲又高僧傳云釋

道傑歷遊講肆觀畧同異凡經六載咸陳難擊故并

州語曰大頭傑難人殺又釋神照嘗往鄴聽說大乘

論一遍無遺時人語曰河南一遍照英聲不徒召又
釋法上善機問好徵覈而形色非美故時人諺曰黑
沙彌若來高座逢災又徧洞算數明了機調故時人
語曰京師極望道場法上釋禪裕精爽弘瞻理相兼
通故鄴下諺曰衍法師伏道不伏俗裕法師道俗俱
伏王朗貧窶語引諺曰魯班雖巧不能爲乞丐者顏
曹子建集引諺云相門有相將門有將

補詩紀襍歌謠辭

載詩所者不入

張按春秋考異鄆云龍門之下血如江時人謠曰五

侯之鬪血成江劉子政說苑引越人擁楫而歌曰濫
兮朴艸濫兮昌棫澤兮昌州州諶州焉乎秦胥胥纒
予乎昭澶秦踰添悌隨河湖鄂君曰吾不知越歌子
試爲我楚說之於是召越譯乃楚說之曰今夕何夕
兮云云今詩紀中僅錄楚說不存越歌若爾則饒歌
之妃呼豨鐸舞曲之樂邪邪巾舞曲之何何吾吾及
古笙詩有聲而無辭如新宮由儀之類并其名亦可
刪大非存古之義矣又楚莊王與晉戰勝之築五仞
之臺臺成而觴諸侯諸侯請爲觴乃仰而曰將將之

臺宵宵其謀我言而不當諸侯伐之高僧傳云齊南海荆山釋法獻居延祥寺後入藏徽山創寺成後有兩童子携手來歌云藏徽有道德歡樂方未央釋慧約姓婁氏年十二始遊於剡遠會素心多究經典故東陽謹曰少達妙理婁居士隋書屈原以五月望日赴汨羅土人追至洞庭不見湖大船小莫得濟者乃歌曰何由得渡湖晉起居注云咸康三年河北謹曰麥如土殺石虎後魏畧云孝文帝南巡至新野臨潭水見菖蒲花乃歌曰兩菖蒲新野樂遂建兩菖蒲寺

以美之又秦載記太史令郭橐言於興曰起兵如流
沙死者如亂麻我馬悠悠會隴頭鮮卑烏丸居不安
按沙與麻悠與頭丸與安俱一韻意當時嘗有此識
耶附記

詩紀淳于髡田者祝引史記及荀子注二則矣乃
劉向引淳于云蟹堦者宜禾滂邪者百車傳之百
世洋洋有餘語與二書復小異詩紀載雜曲歌辭
逸引寶誌十二辰歌按此歌載傳燈錄何得言逸
耶又莊周歌曰夫通性命者以卑及尊云云按此

條出萬機論御覽所引本蔣濟駁莊周語也以爲
漆園歌大誤

鼻子鼻祖

說文云人之首子謂之鼻子楊子雲反騷云或鼻祖
於汾隅注鼻始也按方言云豾之始生謂之鼻人之
始生謂之首不應自抵牾若此豈輜軒之語雜以後
人附益者耶

寒具

升菴引齊民要術并食經證寒具張按周禮曰朝事

之邊鄭司農注朝事謂清朝未食先進寒具口食之
邊也服虔通俗文云寒具謂之餠桓譚新論曰孔子
匹夫耳而卓然名著天下莫不以牛羊雞豚而祭之
下及酒脯寒具致敬而去則寒具不始桓玄時明矣
升菴又引林可山云楚辭柅敔蜜餌有餠餠柅敔十
月間爐餠也蜜餌七夕蜜食也餠餠寒食寒具也非
是按方言云餠謂之餠餠注乾飴王逸楚辭注柅敔
環餅也餠餠說文作餠餠柅敔
敔說文解如王說吳謂之膏環亦謂之寒
具賈總齊民要術云膏環一名柅敔細環餅一名寒

其膏環用秣稻米屑水蜜漉之強澤如湯餅麵手搗
團可長八十許屈令兩頭相就膏油煮之環餅以蜜
調水漉麵令餅美脆入口卽碎如凌雪賈說與王許
說小異據賈說大者名膏環小者名寒具名二實一
卽楚辭之拒妝也今人寒食設糗都名之爲寒具殊
繆若以菰葉裹黍何至遂泥書畫耶高似孫緯畧引
坡詩爲捻頭捻頭環餅當時方言不可曉

李時珍本
艸綱目引

證極嚴
可參看

個字韻脚

徊字韻脚升菴拈徐徊從徊徊徨徨遲徊徬徊四
則胡元瑞云數語惟遲徊當行甘泉賦回回徨徨漢
書文選俱非此徊字攷文選宋本實作徊徊非回也
元瑞何以駁之楚辭吾思儻徊以娛憂今又奄低徊
今京汴柳惲答神滅論啟云祇誦環徊永用懸解二
君竟失之耳目之前大是敗闕

三輔黃圖昭帝廟名徘徊非從徊楊誤又

徊字亦可單用吳越春秋云禹北過寒谷
徊崑崙真誥右英夫人詩左徊青羽旗

趙李辨

阮公詩趙李相經過顏延年以爲飛燕李夫人劉須

溪云安知非實有此人不必求其誰何也升菴引谷

永傳小臣趙李從微賤尊寵

弇州亦如此讀

又言卽趙季李

欸二人皆陽翟大俠弇州引谷永傳爲趙李報德復

怨語又云趙飛燕李平皆成帝所幸婕妤然不應與

婕妤遊從張考谷永傳帝數爲微行多近幸小臣

句

趙李從微賤尊寵

句

又云許班之貴頃動前朝女寵

至極不可上矣今之後起什倍于前驕其親屬假之

威權從橫亂政刺舉之吏莫敢奉憲主爲趙李報德

復怨反除白罪建治正吏前云許班後云趙李非指

婕妤何所指耶報德復怨謂趙李之親屬假威亂政
妄殺無辜主其事者有所脇反除其明白亂政之罪
而羣吏有持正者且建議劾治之若爲趙李復怨也
又孟堅敘傳云班婕妤借養東宮進侍者李平爲婕
妤而趙飛燕爲皇后久之淳于長等始愛幸入侍禁
中設宴飲之會及趙李諸侍中皆引滿舉白又云谷
永以駁譏趙李合二傳觀之趙李之爲飛燕李平復
何疑哉升菴弇州皆以小臣趙李爲句殊誤弇州云
不應與婕妤遊從亦未稽敘傳趙李諸侍中語耳當

時健仔貴盛親屬赫奕入侍帝宴出假主威谷永傳
云爲趙李復怨敘傳云趙李諸侍中皆指其親屬也
阮公詩正用敘傳語沈休文賦云弱冠未仕締交戚
里馳騫王室遨遊許史沈所云許史者正謂樂陵博
望輩耳豈亦指許后及悼皇妣耶此賦可以互證陳
伯正楊亦引谷永傳及敘傳而不明言其爲飛燕
李平又未知阮公所云經過者正指其親屬也

施武子

前從渭南集中得施宿名字但其人節槩無從而覈
爲之惘然及讀都玄敬金薤琳琅周壇山石刻跋云

有吉日癸巳四字相傳爲周穆王書刺贊皇縣鹽山石上慶曆中趙州守將命工鑿山龕其字州解之壁宋吳興施宿謂州解舊石以政和五年取入內府則知武子亦畱心金石學者今日讀宋章樵釋石鼓文云施宿參諸家本訂以石鼓籀文真刻壽梓于淮東倉司其辨證訓釋蓋亦詳備予得之賞其奧衍奇博且與漁仲爭衡爲之擊節不置吾郡博物一途自休文叔庠開之唐之姚察徐堅丘光庭宋之倪思元之趙孟頫周密皆章章在人耳目今更得二施可入掌

故補矣

予按春秋季孫宿謚武子施不應以權奸之謚爲
字也葛稚川云人生值文宿則文值武宿則武施
之命字本此古星宿及宿夜之宿原一字兩音今
人以宿宿二字別之殊誤攷通志武子知餘姚縣
興廢舉墜加意風教云云則武子又文苑中循吏
也

西施有施

少伯扁舟五湖爲千古風流談柄乃予讀鴻烈解云

湯敗桀於歷山與妹喜同舟浮江奔南巢然則扁舟
麗人少伯已落第二著矣予因戲成一詩云湖上桃
花豔一枝黃金鑄後杳何之君王不比鴟夷子載得
西施笑有施按國語云桀伐有施氏以妹喜女
焉左傳云劉累學擾龍事孔甲夏后嘉之賜氏曰御
龍范氏其後也妹喜施姓而范之先亦以夏得氏古
今事之巧合若此蘇子曰南面之君雖清遠閒放如
鶴者猶不得好好之則亡其國而山林遁世之士雖
荒惑敗亂如酒者猶不能爲害而況於鶴乎此有施

西施二事斷案也董子曰癸有喜辛有姐其象爲同
人祭妹喜同乎水者也紂二女同乎火者也禹水行
乘舟泥行乘橈塗山之娶僅四日而往濬川舟一也
一爲興符一爲亡資聖狂之相越豈不遠哉噫若黃
奴者早辦此同舟之策可無入景陽井矣

妹喜漢書
作末嬉

華陽國志

常道將華陽國志精嚴簡覈可方陳廋子書乃志蜀
猶有軼事按史記秦本紀厲共公二年蜀人來賂出
子十三年伐蜀取南鄭志都不載又楚世家肅王四

年蜀伐楚取茲方正義曰荊州松滋古鳩茲地卽楚
茲方是也今志中僅曰巴楚相攻伐而已亦不言取
茲方此三則皆關蜀大事常侍軼之何耶信乎述作
之難該也

吹景集卷十二

烏程

董斯張遐周著

韓昌箕仲弓訂

簫屠門高琴引

琴引者秦屠門高所作也秦王縱酒離宮高見宮
女幼眇寵麗援琴作歌歌曰酒坐俱勿往聽吾琴
之所言長袞似舞兮乃褕袂何曼奏章而却逢兮
顧瞻心之所驩借連娟之寒態兮假卮酒酌五般
泣喻而妖兮納其聲聲麗顏歌長楸兮歎曰騎美

人綺旎紛嬀柰霜羅衣今羽旄夜裘圭玉珠參差
妙麗今被雲髻登高臺今望青埃常羊啖還何厭
今歸來歌與棘多不能句者余淫思十許日始得
其緒爲之句投且箋之冀印可于大方之家

酒坐俱勿往句聽吾琴之所言

箋曰酒坐二語爲平原吳趨行明遠東武吟之祖
琴之所言琴心也

長袞似舞今乃禴袂何曼

箋曰袞古袖字長袞善舞曰似舞何也舞節妙會

窈眇疑神觀者曰是耶非耶神女賦恍若有來而
不見吳都賦仿佛神動迴翔踈峙注仿佛見不審
誤也方言云綸謂之袖綸袂似複當作綸音遙一
音俞一音綸一音投一音由莊子漁父云被髮綸
袂注謂垂手衣內而行也貨殖傳擗鳴琴綸長袂
七發綸流波注綸引也引義爲長列子娥嬀靡曼
注曼柔弱也楚辭曼曼曼曼曼曼曼曼曼曼曼曼
也長也見漢書禮樂志及韓詩薛君章句又莊子
馬蹄篇澶漫爲樂崔本作但曼注云但曼淫衍也

又闢扼驚曼釋文云驚曼旁出也何云者不圖爲舞之至于斯也曼叶謾

奏章而却逢今顧瞻心之所驩

箋曰奏章言舞節之斐然乍陰乍陽若往若還曰却逢顧迴盼也

借連娟之寒態今

箋曰漢武帝賦美連娟以修嫵孟康曰連娟纖弱也一作聯娟相如賦修眉連娟索隱曰連娟眉曲細也寒者掩抑態猶俗云澀也西京賦似不任乎

羅綺沈約賦含羞隱媚又云響羅幃而不進隱明
燈而未前白苧歌短歌流目未肯前態無定摹故
曰借寒字借字非先秦不能寫出

假卮酒酌五般

箋曰般古盤通五般當是舞曲漢有七盤舞云折
盤舞貌古新成安樂宮辭般鼓鐘聲盡爲鏗鏘傳
武仲賦簡情跳路般紛拏張平子賦歷七般而屢
躡音斯賞賞斯酢酢斯假矣

泣喻而妖兮納其聲

句

聲麗顏

箋曰泣喻而妖語奇妙夷光捧心孫壽顰齒尤楚
楚傾人戚夫人倚瑟而弦歌畢每流連泣下樊通
德擁髻淒然江總詩翠眉未畫自生愁玉臉含啼
還似笑兩心相喻色授魂予艷冶之尤也茹而不
吐曰納玉色當歌緣聲增豔是曰聲麗顏

歌長檣兮

箋曰洪适堯廟碑隸釋云檣與榻同張攷法苑珠
林云夜暖晚遲香銷燭檣又云供養三尊牀檣
膳又云遠離廣大床處在小檣庾闡遊仙詩玉

石櫓磊砢洪說蓋有所祖也長櫓未詳意借翕字
翕之爲言未散也庾子山詩但令聞一曲餘聲三
日飛昔有傳繞梁者翕義歟按列子云反兩櫓魚
而笑注櫓他臘反作鱮比目魚也又劉向說苑云
鄂君子皙乃櫓修袂行而擁之舉綉被而覆之以
比目魚爲櫓義殊精異說苑櫓字或作掄

歎曰騎美人

何 旖旎紛

箋曰歎亦騷之亂也騎從去聲騎美人猶言馬上
美人也張說詩佳人蹀駿馬杜甫麗人行當軒下

馬入錦茵此狀舞人翩幡如馬上也旖旎一作猗
猗用修云卽猗猗字楚辭紛旖旎乎都房注言被
服盛飾也相如楊雄傳俱有之注猶阿那也服虔
曰從風柔弱貌此狀舞袖下垂也紛不理也

嬋榭霜羅衣兮羽旄

箋曰嬋未詳榭古楫通相如賦翕呬萃蔡注衣張
起也循聲求之翕呬義似可借劉熙釋名云榭泄
也發泄出之也然則嬋榭者猶聚散歟荀子云接
人則用榭注榭牽引之也如以楫櫂進舟船也然

則煥樞者猶牽引歟縞衣霜如羽如旄云者喻舞衣之懸曳也

夜褒圭玉珠參差

句

妙麗今被雲髻

箋曰褒博裾也珠玉參差周穆之玉衣吳都之珠服也王孫子云衛靈公宮人隋珠照日羅衣從風秦其聞衛風而起者歟珠入夜不冥故曰夜褒舞賦華袿飛髻注髻燕尾也

登高臺兮望青埃

句

常羊啖

箋曰淮南子青泉之埃常羊見西漢禮樂志注猶

逍遙也楚辭之尚羊相佯彷徨吳王傳之方佯李
夫人賦之幼眇相羊同訓師古注相羊猶翱翔也
廣雅曰徜徉戲蕩也飛燕揚袖曰仙乎仙乎去故
而就新常羊之證也啖當作睽音閃說文睽睽暫
視貌唐小說載術士相裴夫人目脩而緩法淫用
修云脩湯勞切睽也楚詞娛光眇視目曾波淮南
子籠蒙目視冶由笑目流眇所謂睽也三都賦注
云睽睽音閃釋顧視貌也或曰啖古作啗一作噉
如陸賈傳啗以利及簡文噉名客之啖猶云餌也

還何厭兮歸來

箋曰歸來者招之之詞漢成帝呼無方爲我持后
后曰帝恩我使我仙去不得還何厭兮歸來狀舞
者若翔而欲去若招而復還也

張

按此引只數行而形模姝麗鏤畫若神讀之真
令人蕩魂艷目後世相如子雲之流湛精雕詞不
踰其範先秦人頰上益三毛手也或曰子以後世
語詰先秦無議其後者乎應之曰鄭氏解經多叅
漢律邇無徵則遠無譯也持詰六經可也况秦哉

余又累括其語爲一章歌意極了可無箋也酒坐
俱聽琴言長衰似舞掄何曼奏章却逢顧所驪泣
喻而妖聲麗顏連娟寒態酌五般騎美人旖旎紛
霜羅衣珠參差妙哉麗雲髻被登高臺兮望青埃
常羊睽兮還歸來

晉陌上桑曲亦累括楚辭九歌余擬之爲此

世所傳韓詩汲冢國策諸書非全書

湘山野錄云夏英公鎮襄陽遇赦賜致仕高年束帛
時胡旦瞽廢在襄公選纖十疋贈之胡得纖以手捫
之曰寄語舍人何寡聞如此奉還五疋請檢韓詩外

傳及服虔賈誼諸儒所解束帛自可見證英公檢之
果見三代束帛束脩之制十挺之脯實一束也束帛
則卷其帛爲二端五疋遂見十端夏少沮按服虔通
俗文久不傳今類書中少有存者予閱周易注疏及

韓詩新書俱無此解

容齋隨筆亦載此條以文
瑩多誕不可信閔康侯云

又修

文御覽引周書美男破產美女破舌

見國策注

藝文類聚

引周書程寤曰文王在翟大妣夢南庭生棘小子發
取周庭之梓樹樹之於闕間化松栢槭柞驚以告文
王文王召發於明堂拜吉夢受商大命秋朝士又引

周書曰成王時白州獻比閭比閭者其葉若羽伐其
木以爲車終日行又曰於越獻舟又曰蕞澤已竭卽
蓮掘藕又曰神農之時天雨粟神農耕而種之作陶
冶斤斧爲耜鉏以墾草莽然後五穀興以助果蓏實
又曰智與衆同非人師也初學記引周書云長勝短
輕勝重曲勝直強勝弱飽勝饑肅勝恕先勝徐武之
經也又曰黃帝始烹穀爲粥又曰凡禾麥居東方黍
居南方稻居中央粟居西方菽居北方列子云火浣
之布浣之必投于火布則火色垢則布色出火而振

之皓然疑乎雪張湛注曰此周書所云博物志云西域獻火浣布昆吾氏獻切玉刀刀切玉如蠟茂先亦引周書又史記白魚赤鳥事索隱曰見周書後漢書注周書陰符曰四輔不存若濟河無舟矣說文引周書曰罔罔升雲半有半無李善文選思玄賦注引古文周書曰穆王田有黑鳥若鳩翩飛而時於衡御者斃之以策馬佚不克之蹟於乘傷帝左股又引周書曰周穆王姜后晝寢而孕越姬嬖竊而育之斃以玄鳥二七塗以蔬血寘諸姜后遽以告王王恐發書而

占之曰蜉蝣之羽飛集于戶鴻之戾止弟弗克理重
靈降誅尚復其所問左史氏史豹曰蟲飛集戶是日
失所惟彼小人弗克以育君子史良曰是謂關親將
畱其身歸于母氏而後獲寧冊而藏之厥休將振王
與令尹冊而藏之於櫝居三月越姬死七日而復言
其情曰先君怒子甚曰爾夷隸也胡竊君之子不歸
母氏將寘而大戮及王子於治今汲冢書皆未之見
戰國策姚寬序云正文遺逸引戰國策者司馬貞索
隱五事廣韻七事玉篇一事太平御覽二事元和姓

纂一事春秋後語二事後漢地理志一事後漢第八
贊一事藝文類聚一事北堂書鈔一事徐廣注史記
一事張守節正義一事舊戰國策一事李善注文選
一事皆今本所無也又五柳詠荆軻詩云漸離擊悲
筑宋意唱高聲本淮南語

古文苑載宋玉笛賦云宋意送荆鄉易水之上張接

荆鄉與宋玉非同時文苑所載當亦六朝文士假託與李陵書同一廣鼎然其傳亦已古矣水經

注亦云宋如意和之今燕策無宋意事焦弱侯引韓

詩外傳老筐爲崔老蒲爲葦及精氣歸於天肉歸於

土二則

按弱侯據佛典所引今精氣云云載御覽焦云膈歸於露毛歸於草御覽膈作膏毛作髮

御覽
似勝

張按文選李善注引韓詩外傳云孔子升泰山
觀易姓而王可得而數者七十餘人不得而數者萬
數也又鄭交甫將南適楚尊彼漢臯臺下乃遇二女
佩兩珠大如荆雞之卵藝文類聚引韓詩外傳曰凡
草木花多五出雪花獨六出者陰極之數雪花曰霰
雪雲曰同雲又曰自上而下曰雨雪又曰溱與洧謂
鄭國之俗三月上巳於兩水之上招魂續魄拂不祥
也今本亦無之韻會引吳越春秋越以甘蜜九橿報
吳增封之禮今書作甘蜜九党李善文選注引吳越

春秋采葛婦歌曰饑不食四體疲又陳音曰蓬蒙
傳射於楚琴氏琴氏傳大魏大魏傳楚三侯今書無
此語藝文引寶劒事云王取純鉤示之薛燭矍然望
之曰沈沈如芙蓉始生於湖觀其文如列星之行觀
其光如水之溢塘觀其色渙渙如水將釋見日之光
今趙曄本無此語越絕書有之語小異初學記引吳
越春秋云王取豪曹視之薛燭曰非寶劒也今豪曹
五色黯然無華已殞其光亡其神此劒不登斬而辱
則墮於泥中矣王曰寡人置劒竹蘆上過而墜之斷

金獸之領飲濡其刃以爲利也一云薛燭曰是巨闕
非寶劍也王曰然巨闕初成之時吾坐於露壇之上
宮中有四駕白鹿而過者奔車驚今本亦闕藝文又
引袁公事云越王問范蠡手戰之術范蠡曰臣聞越
有處女國人稱之願王請問手戰之道於是王乃請
女女將北見王道逢老人自稱袁公袁公問女聞子
善爲劍願得一觀之處女曰妾不敢有所隱也唯公
所試公卽挽林內之竹以枯槁末折墮地女接取其
末袁公操其本而刺處女處女應卽入之三入因舉

杖擊袁公袁公則飛上樹化爲白猿與今本小異又
曰越王念吳欲復讐愁心苦志中夜抱柱而哭承之
以嚙群臣聞之曰君王何愁心之甚也夫復讐謀敵
非君王之憂自臣小之急務也又曰夫差帥諸羣臣
出國門祠子胥於江濱諸臣並在夫差乃言曰寡人
蒙先王之遺恩爲千乘之主昔不聽相國之言乃用
讒佞之辭至令相國遠沒江海自亡以來濛濛惑惑
如霧蔽日莫誰與言泣下沾襟哀不自勝左右羣僚
莫不悲傷又北堂書鈔引越絕書曰闔廬見子胥敢

問船軍之備何如對曰船名大翼小翼突冒樓船橋
船今船軍之教比陵軍之法乃可用之大翼者當陵
軍之重車小翼者當陵軍之輕車突冒者當陵軍之
衝車樓船者當陵軍之行樓車也橋船者當陵軍之
輕足驃騎也今本並闕乃知唐宋書今之遺佚者多
矣安得悉見全書哉

補升庵古文韻語古音畧例

文之時以韻語出奇者汲冢書管子吾韓非淮南
賜冠孫吳太公兵法史記吳越春秋越絕書劉向

說苑諸書不能盡載畧紀最奇勝者一二如左如
老子太玄經焦贛易林黃石素書叅同全以韻成
文者不錄

周書允文解畧云收武釋賄無遷厥里官校屬職因
其百吏孤寡無告獲厚咸喜咸問外咸書其所在又
云死思復生生思復所人知不棄愛守正戶執彼玉
珪以居其宇民之望兵若待父母是故天下一旦而
定有四小明武解云上困下騰戎遷其野敦行王法
濟用金鼓按道攻巷無襲門戶上下禱祀靡神不下

具行術梯振以長旗懷戚思終左右憤勇周祝解畧

云

此解語語奇勝
讀者當觀其全

文之美而以身剝自謂智也者故

不足角之美殺其牛榮華之言後有茅石有王而傷
其山萬民之患在口言時之行也勤以徙不知道者
福爲禍時之從也勤以行不知道者以福亡故曰肥
豕必烹甘泉必竭直木必伐又曰木之伐也而木爲
斧賊難而起自近者二人同術誰昭誰暝二虎同穴
誰死誰生吳越春秋漁父曰今日凶凶兩賊相逢范
蠡曰峻高者隕茂葉者摧日中則移月滿則虧四時

不並盛五行不俱馳陰陽更唱氣有盛衰公孫聖曰
梧桐心空不爲用器但爲盲僮種蠡曰吳殺忠臣伍
子胥今不伐吳人何須越絕書計倪曰應變爲動隨
物常羊卒然有師彼日以弱我日以彊又曰惠種生
聖癡種生狂桂實生桂桐實生桐先生者未必能知
後生者未必不能明范蠡曰黃帝之元執辰破巳帝
王之氣見其地戶子貢曰薦一賢得及身任一賢得
顯名又曰道者先生萬物不知老曲成天地不名巧
說苑云百方之事萬變鋒出或欲持虛或欲持實或

好浮遊或好誠必或行安舒或爲飄疾從此觀之天下不可一又曰貞良而亡先人餘殃猖獗而淫先人餘烈又曰以財爲草以身爲寶慈仁少小恭敬耆老大吠不驚命曰金城常避危殆命曰不悔富必念貧壯必念老年雖幼少慮之不早又曰一浮一沒交情乃出又曰中不方名不章外不圉禍之門直而不能枉不可與大任方而不能圉不可與長存慎之於身無曰云云又曰一言而適可以却敵一言而得可以保國韓詩外傳云范蠡行遊與齊屠地居奄忽龍變

仁義沉浮湯湯慨慨天地同憂史記李斯傳云時乎
時乎間不及謀羸糧躍馬唯恐後時又從外制中謂
之惑從下制上謂之賊故秋霜降者草花落水振動
者萬物作又龜策傳純用韻語當全讀之鵠冠子云
按圖正端以至無極兩治四致間以止息歸時離氣
以成萬業又云一目之羅不可以得雀籠中之鳥空
窺不出又云至博不給知時何羞不肖繫俗賢爭於
時細故聚劇奚足以疑事成欲得又奚足夸千言萬
言卒實謂何

吹景集卷十二 終